

佛日普照慧辯楚石禪師語錄卷第十二 岬六

侍 者 善 成 編

法語

示覺首座

不與萬法爲侶者是什麼人這裏悟去一生

參學事畢只麼饑餐渴飲閑坐困眠雖涉百

萬阿僧祇刦如彈指頃更論什麼諸佛菩薩

畜生驢馬瓶盤釵釧都來鎔作一金酥酪醍
醐盡與攏成一味不遷不變無始無終喚作
常住法身受用惟心淨土以至紅塵鬧市枯

木寒灰逆順縱橫卷舒出沒又何拘礙者哉

永嘉所謂非但我今獨達了恒沙諸佛體皆

同

示觀提點

昔日楊岐老人放下金剛圈拋出栗棘蓬吞

跳得者固多吞跳不得者亦不少如今去聖
逾遠舉此話者漸稀要在大力量人能成大
力量事廓然自省非在別求方知自己便是
金剛圈更教誰跳自己便是栗棘蓬更教誰
吞管取楊岐老人不勘自敗

示辯長老

既稱長老出世爲人喻如金鉢刮眼膜非是
小事若傷鋒犯手未免破睛危乎險哉間不
容髮豈可恣矇袋掉三寸舌說脫空謾人你
看他夾山初住京口時已有發明到垂手處
不無滲漏後往華亭見船子及船子向他道
離鈎三寸子何不道道不得劈口一橈竿頭
絲線從君弄不犯清波意自殊始大徹所以
道參禪須是悟始得悟了須是見人始得若
不見人只成杜撰禪和說拍盲禪到處教壞

人家兒女去也第一本領要端正履踐須明白院子大小正當置之度外臨濟下風穴首山何嘗聚三百五百衆來至今道行天下所謂山不在高有仙則名也

此宗示弘首座

拈六

釋迦不出世達磨不西來衆生真直眼橫世

二

界畫明夜暗蜜甜榮苦鵠白鳥玄風不待月而涼火不待日而熱一一見成公案頭頭本分生涯喚什麼作此宗此宗作何面目石頭南嶽啓口不得臨濟德山袖手旁觀聚百千萬雷爲一喝是甚熱椀鳴聲束無邊虛空作一棒當甚蓬蒿箭子淨倮倮絕承當赤洒洒沒可把奴呼菩薩婢視聲聞高揖釋迦不拜彌勒直饒與麼未稱此宗若解舉一明三目機銖兩未言先領未舉先知如斯品格不凡

略有少分相應此宗門下難得其人只許俊流不論情袋選佛若無如是眼假饒千載亦奚爲首座勉之

示觀藏主

黃面老子深入雪山冷坐六年只餐一麻一

麥不以爲苦忽於臘月八日夜半子時仰睹明星忽然大悟歎云奇哉一切衆生具有如來智慧德相但以妄想執著而不證得我當教以聖道令離諸著是以有偏圓半滿之說充塞塵區然猶未愜本懷乃至靈山會上拈

拈六

三

花示衆方了末後大事是皆從曠劫積習而來誠不容易所以教中云我法海中無有一丈無有一句非是捨施轉輪王位而求得者非是捨施一切所有而求得者謂之無上法寶兩手分付與人自宜頂戴奉持不可逐生

輕慢天寧曾有一問且道雪山得底與靈山

傳底是同是別若道同一是教一是禪若道

別亦無初亦無末試着一轉語看

偈頌一

侍者文斌等編

送智維那往江西

智不到處道一句生鐵稱錘被蟲蛀南北東西
參學人莫教踏着無生路無生路上荆棘多將心覓佛還成魔閑伸兩脚睡一覺任他日月如飛梭誰管你天誰管你地說妙談玄

弄粥飯氣馬祖出八十四人問着無有不會直饒歸宗較些子也是瞎驢趁大隊如今好箇太平時佛法兩字誰論之堂前青草深一大徃徃口角生膠綿拈却德山棒不用臨濟喝寒則普天普地寒熱則普天普地熱要行

便行歇便歇切忌遂巡守遂轍

送默菴淵首座

默默默無上菩提何所得得無所得便歸來錯認藩籬爲闕域陞堂入室見其人若語若默皆非真至於此語亦不受但有纖毫即是塵德山棒臨濟喝從上門庭巧施設子承父業幾時休大似烏龜喚作鱉不如付與山河說晝夜熾然無間歇就中一句尤直截盡大地人須結舌默菴聞得笑呵呵百花百鳥如

余何

示善禪人

六

四

不思善不思惡十二時中空自縛善亦思惡亦思老僧使得十二時間渠善惡何頭面逆順縱橫千百變只因不識主人公所以臨機少方便善師善師聽我言從古至今無聖賢

著衣與飯只者是不然去學諸方五味禪

送中竺月首座遊江西

珊瑚枝枝撐着月南北東西興難遏五千餘里到不到八十四人徹不徹夜來桂子飄天香此意分明難覆藏天宮畢竟說何法至今雙澗流湯湯去亦可住亦可麒麟不帶黃金鎖草鞋索斷雲路深拾取龜毛穿耳朵

送福州諾禪人再參天童

主人翁惺惺着潦倒瑞巖自呼自諾地吞鱉異口生煙虎咬大蟲頭戴角會不會知不知大唐國裏無禪師玲瓏巖主七十四優鉢羅花第一枝送君此去君知麼莫把草鞋輕踏破前頭更有最高峯不獨飛狹嶺難過

送朗藏主禮梅檀像文殊聖師

如來身相非聲色目連謾自勞神力幾回往

返忉利天剛把栴檀細雕刻當時匠人三十二畫道梵音雕不得既是梵音雕不得十分相似終何益邇來流落在人間南北東西隨意看不識如來真實相人間無處無栴檀如來身誰不有挑囊負笈空奔走未了之人聽一言只這如今誰動口心亦不是佛佛亦不是心清涼山裏萬菩薩流水落花何處尋

送圭侍者歸天台

靈隱山中圭侍者骨目風神甚瀟洒入門要我送行篇句短句長隨意寫一句短蕉螟眼裏着不滿一句長徧虛空界莫能量國師三喚露肝膽侍者三應含冰霜趙州古佛更饒舌暗中書字文彩彰以此送行須記取若到諸方休錯舉家在赤城千嶂深夜來木葉吟風雨

送贊禪人遊台雁

菩薩子百歲光陰一彈指尚無剪爪閒工夫
而況尋山并覩水雖然山水有何過刹刹塵
塵皆可喜撞頭撞着自家底方知因我得禮
你我聞天台之衆峰五百聖者栖其中又聞
詎那在雁宕坐着瀑雪飛晴空青蘿直上寒
松樹花落鳥啼猿掛處山前一片古寺基直
至如今沒人住沒人住處不可行從教千古
萬古青苔生與其孤峰頂上訶佛祖曷若十
字街頭踏塵土

送顯侍者遊四明

學佛被佛魔參禪被禪礙不學又不參孤負
這皮袋祖師門下客志氣何慷慨撥動濟人
舟了償行脚債去去只麼去路在紅塵外來
來只麼來眼上雙眉蓋任你萬重關鐵鞭都

碑六

六

擊碎一切但平常莫作平常會

送昇禪人遊金陵

達磨未來東土前白雲片片在青天達磨既
來東土後黃鳥雙雙啼翠柳蕭公作帝知幾
秋度僧造寺何悠悠金鱗透網不透網可惜
三度空垂釣官路崎嶇行不得後代兒孫轉
荆棘尺鷃徒能掠地飛大鵬謾有垂天翼長
江南北浙西東一花五葉當秋風深山無人
大澤靜但見孤兔栖蒿蓬昔年遺下一隻履
不獨無頭亦無尾如今颺在垃圾堆贏得清

風來未已昇禪昇禪胡爲哉遠自鳳山登鳳
臺纏竭節有頂門眼解笑吾師特地來

送能仁顯首座遊金陵

君不見天禧之塔高復高下視刹海如塵毛
人家處處見塔影塔影家家行一遭一一家

中有一塔以手遮影終難逃人家不遷塔不動去地非遠天非遙東江首座江東去鐵錫橫飛留不住石頭城中亦不多一人越州館內亦不空一處去不去今來不來衲僧行止無纖埃一番雨過寒侵骨江上諸峰翠作堆

得何拘南北西東有把柄無背面聽之不聞觀之不見通方作者知機變一任蒼苔生古殿透青眼不瞬照物手寧虛百鍊精金出大冶南詢步步超毗盧

送大梅元維那

用南楚和尚韻送政書記往天童禮寶七

陪

如來禪祖師禪文字禪是何禪一筆勾下白日青天笑殺湖南長老大書楷字深鐫不見毗耶窟士嘵嘵擊小彈偏及乎被人問着直

得杜口無言禪禪靈石書記作麼流傳竹月

郎心郎佛非心非佛目機銖兩講若畫一大梅山中忽相逢耳朵卓犧頭鬃鬆克賓維那法戰勝饋飯之香熏太空無不無有不有黑黑明明三八九章是金毛師子兒參方志氣衝牛斗

送祥禪人

諸方舊話無人舉舉者直須眉卓豎木馬雙雙帶月行泥牛對對臨風舞從閩入浙參訪誰直下便是休狐疑喚溺了也洗鉢去趙州

送印禪人

印泥印水印空當頭錦縫重重靈利衲僧構

古佛曾提撕

送延聖世首座還日本

兩堂首座齊下喝當時臨濟王饒舌傳來此
話知幾年船底依前用邠鐵昔者乘桴遊大
唐如今挾複歸扶桑到家拈出賓主句針眼
魚吞金翅王

送淨慈妙藏主

補六
送淨慈妙藏主

龍河老師巧方便再索侍者犀牛扇永明門

前水一湖忽然迸出摩尼珠扇兮珠兮俱驅
却瘥病不假驢駄藥好箇翱空五色鱗如何
絆得黃金索活滾滾明落落無限清風滿寥

廓

送天寧敬藏主

看底是甚麼經經中說甚麼義遠辭萬里扶
桑近別四明雙檜低頭問訊义手殷勤一一
明妙一一天真不妨提起坐具且與茶濕口

唇走徧大唐無佛法金香爐下鐵崑崙

送觀藏主還里

對一說倒一說佛祖從來無秘訣更問靈山
付喝誰葛藤未免生芽蘖道人放下馳求心
當念廓然超古今直上扶搖九萬里大鵬不

比尋常禽

送報本禱都寺

鼓山一隻聖箭子射入九重城裏去却被老
補六
孚輕把住雪峰未免從頭註因思古德老婆
心瓦礫拈來要你金後人但隨聲色轉千里
萬里徒參尋自家識取天真佛碧眼黃頭恣

輕忽

送中竺偉藏主

大藏五千餘卷卷皆說自心不是語言文
字徒勞紙上搜尋中天竺有善知識兩眼明

如秋水碧閑時只是看雲山纔見僧來便面
壁如來禪祖師意藏主聰明會不會百萬人
天擁從時香花飄滿階前地

送一禪人

江東西湖南北一條古路如線直出門綠水

繞青山脚下麻鞋生兩翼無位真人沒處尋

秋高落葉飄山林參方帶眼不帶眼是處法
堂青草深老宿見來多指註與他掀倒禪牀
去

送了禪人

甚麼物恁麼來蝦蟆吞却月鐵鋸舞三臺柱
杖頭邊草鞋底一聲雷震清焱起相逢不用

口忉忉踏着無非自家底譬如雁過長空影
沉寒水機先透徹祖師關坐見千花生碓觜

送雲禪人回仰山

小釋迦大禪佛四藤條下甘埋沒擇天柱地
好男兒肯學狐狸戀窠窟誰不頂門眼正人
皆肘後符靈因甚渾渾洎洎更待丁丁寧寧
直下是直下是早涉流沙十萬里撞着知音
舉似伊何須待問廬陵米

送喜禪人

藕絲竅中世界濶大鵬挨落天邊月山僧半
夜驚覺來此意茫茫向誰說十箇五雙行脚
伴參方不帶參方眼德山挾複見焉山多少
葛藤多截斷兩口無一舌千車同箇轍道士
十六
倒騎牛烏龜噴生鐵移取瓢苗石上栽泥牛
滴盡通身血

送宜禪人

舉一不得舉二抹過京三汁四回天轉地何
難點石化金亦易無索摸絕忌諱張公與酒

李公醉孤峯頂上任縱橫鬧市門頭恣游戲

當陽點破堅實心水面捺得葫蘆沉柱杖橫

擔千萬里青天白日雨淋淋

送日本東藏主遊台鷹

台山之東鷹山西有一句子無人提忽然蹉
口道得着五百尊者俱掀眉礀下水流峰頭
雲起青松瑟瑟白石齒齒賓頭盧或徃或來
諾詎那乍彼乍此直饒回向如來乘也是陳
年爛葛藤教外別傳重舉似千尋海底剔金

燈

送徑山空維那

井底蓬塵山上鯉大家坐聽爐邊水三登九
到不惺惺少室誰云有皮髓此事將心設度
量山河爲汝長敷揚虛空開口笑不已露柱
燈籠爭放光興化打克賓叢林如鼎沸須是

但有一月真無非復無是靈山話不出曹溪
亦空指徃見馬大師皴箕月相似團團無縫
鏟落落全終始八十四人中歸宗較些子其
餘善知識總在光影裏自己不是渠渠正是
自己逗到光影消吸盡西江水

金毛師子兒一聲哮吼咤沙地

送訢侍者參松月翁

二祖安心三祖懺罪依俙無孔鐵鎌彷彿冬
瓜印子只因祖父相謗殃及兒孫未已拈來
糞埽堆頭拋向洞庭湖裏扶桑有箇衲僧愛
弄些兒唇觜暗中一踏踏着明處一提提起
山僧撫掌呵呵畢竟是何道理論賞也擊碎
驪龍明月珠論罰也敲出鳳凰五色體賞郎
是罰郎是去見松月老人必有方便爲你

送月侍者江西禮祖

送義禪人遊台鴈

昔年有箇閻丘老不識。豐干空懊惱。寒山拾得恣顛狂。走入深林無處討。嘉得得訪曹溪遶牀振錫呈威儀。松風江月只如舊悟老自悟迷者迷也無迷也無悟俊鷹不打雞邊免萬里無雲海。月高腳頭脚尾通天路。

送徹侍者禮補陁兼省師覲親

寶陁大士逢不逢。千里萬里圓光中。本生父母見不見。動靜去來常會面。離師太早古所嗤。無師自悟今其誰。看他臨濟省黃檗。是真弟子趨於師徹禪。好箇赤梢鯉。辰錦砂。今未爲比一聲霹靂飛上天。蝦蟆蚯蚓空攀緣。

送哲禪人仗錫省師并東仲默和尚

仗錫老師七十八。眼如點漆眉如雪。分明畫出須菩提。坐聽孤猿吟落月。深山古寺天正

塞禁深一尺堆牀前。地爐燒火簾不捲。袈裟黑似爐中煙。客來只恐放煙出。爭奈山林藏未密。喧喧道價滿江湖。負笈挑囊固非一千里。東歸頻寄聲。乃翁終是有鄉情。目連鴟子神通妙。何必區區圓相呈。

送淨慈明侍者回東山

南屏山中五百衆。大有神通并妙用。可憐辛苦賓頭盧。無時不赴檀門供就令。侍者托鉢歸。眼上不惜長。長眉問渠扇子在何處。臨風更索犀牛兒。犀牛兒怎描貌。王維筆下丹青

薄西湖煙雨漫遮藏。日出東山露頭角。

送哲藏主省師

正月六日初得春。千花百草皆精神。壽山柱杖活鑊鑊。敲風打雨尤驚人。哲禪得之不妄用。臨機殺活能擒縱。洞山五位敢施呈。臨濟

三玄休賣弄尋常放在卧牀頭直與佛祖爲
冤讐頂門眼照大千界是何起滅同浮漚一
卓卓碎駕湖雪一點點開鄞嶠月與師平出
固難爲見過於師皇虛說却因柱杖思壽山
翻然又逐春風還

岫六

十三

送均禪人禮祖

佛法不怕爛却一任填溝墮壑普天匝地漫
漫直是無人說着而今舉起又何妨也勝供
養燒楓香一大藏教閑故紙信手拈來聊拭
瘡震旦雖闊無別路四七二三面相覲馬駒
踏殺天下人般若多羅休寐語

贈智浴主誦經化柴

好箇金剛正體廓然無表無裏從來不受一
塵畢竟如何潔洗既不洗體亦不洗塵沒蹤
跡處切忌藏身却來聲色堆頭坐枯木花開

別是春藥王昔日然兩臂一念道心終不退
正體堂堂忽現前後人不省焚身意七軸蓮
經豈在多只將者箇化檀那時時打鼓邀僧
浴免使無柴閣冷鍋

送石霜在首座歸國

家住海門東扶桑最先照迷那天陰性地昏
悟來日出心光曜玉在山而木潤珠沈淵而
媚川肘後符靈兮掃除佛祖頂門眼正兮開
鑿人天風颯颯時寶華座無說而說冷湫湫
地枯木堂不禪而禪袖中取出唐朝物兔角
龜毛一串穿

送彭禪人歸里

一二三四五甘草甜黃連苦新羅國裏曾上
堂大唐國裏未打鼓五四三二一黑似漆明
如日牧羊海畔女貞花拒馬河邊望夫石妙

中更妙玄中更玄現成公案白日青天天下
天下三指七馬釋迦彌勒是空名不知誰是
安名者大海一滴水須彌一寸山若將心放
捨處處是鄉關

送的藏主歸里

補六
日本師僧皆可喜不憚鯨波千萬里捐軀爲

法到南方如此出家今有幾的禪的是禪家

流密證潛符更奇偉從來佛祖是生冤肯認
山河爲自己五千餘卷紙上語却笑癡蠅鑽
未已自家寶藏無一物盡大地人提不起提

得起歸去來東風入律梅花開

送天寧謐藏主回淨光

永嘉老子錯行脚被人呼爲一宿覺曹溪只
是箇撫夫佛法何曾解參學三千威儀八萬
行一拶清風頓銷燬偶然撰得文字成被人

送澤禪人

喚作真丹經泥裏洗土不唧噥畫蛇添足空
丁寧看渠兩著渾未是學者焉能出生死如
來藏裏本無珠萬古虛名掛唇齒謚禪之口
吞諸方爲我殷勤問淨光有珠無珠要渠答
永嘉老人應著忙說與如今甚時節莫懶松

風與江月

送因維那省親

補六
人人有箇生緣快馬只消一鞭達磨不來東
土二祖不往西天道人生緣在何處萬水千
山任來去去來曾不隔纖塵日用堂堂全體

十三
露蓋天蓋地亘古亘今不是正法眼藏亦非
涅槃妙心諸佛非我道虎頭戴角出荒草父
母非我親掣斷金鎖天麒麟出門隨步清風
發千里萬里阿刺刺

神鋒成削荆山之璞雖是後生甚堪雕琢鳳
凰臺上鳳凰兒羽翼鮮笑雲鵬遲諸方往往

罩不住要識弟子觀其師南嶽磨輒不成鏡

打牛是中當時病馬駒踏殺天下人具眼方
能辨邪正古今得道如雲煙上人齒少宜勉
旃但盡凡情無聖解饑餐渴飲且隨緣

送興藏主遊金陵

春山青春水綠一枝兩枝梅花開十里五里

村路曲石城雲影聚復散草店雞聲斷復續

描也描不就畫也畫不成撫盡五千四十八

更無一字能品評道人笑我虛開口矢上加
尖成漏逗背却法堂穿草鞋井深纏短終難
構

送心禪人

心不是佛知不是道南北東西何處尋討稀

復稀少復少二千年事只虛傳三寸舌頭胡
亂掃麥浪堆中釣得蝦紅爐燄上拈來草

送蔣山皎藏主

鐘山龍蟠石城虎踞靚面相呈更無回互笑
他多口老瞿曇乘之二今乘之三衆生根器
既不等往往玉軸堆琅函道人見處天然別
四句皆離百非絕鐵網忽捲滄溟珊瑚瑚枝

枝撐着月

送源維那

羣靈一源假名爲佛春雨濛濛春風拂拂梨

山六

十六

花淡白柳深青滿目江山如畫出髑髏常干
世界鼻孔摩觸家風會得蛇吞鱉鼻不會虎
咬大虫會與不會著甚死急道人行處火燒
冰萬仞峰頭獨足立

送森藏主

鐘樓上念讚牀脚下種菜猛虎當路坐雞嶼
洋洋無益森禪日東來意氣何慷慨開口吞佛
祖不嫌牙齒礙諸方奇特語無一念心愛只
是舊時人方能明下載山僧却喜渠早晚付
鉢袋

送基禪人

現成基業不用安排直下構取好箇生涯寒
郎著衣餓弊飯梵行已立所作辦若將知解
汗胷襟如象漏泥深更深却須參扣善知識
百城煙水逢知音山僧略爲施方便楚越既
吳曾歷徧笠下清風只自知杖頭明月無人
見

送道場傳維那

佛祖不傳之秘訣百草頭邊俱漏泄海神怒
把珊瑚鞭須彌燈王痛不徹等閒驚起蒼弁

十七

峰走入傳禪懷袖中金鎚一擊百襍碎散爲
七十二朵青芙蓉拋向面前人不薦更兢抖
攢裙衫看猛虎依巖百步威目光燦爛如飛
電却憶大雄山下客狹路相逢曾築着廟勝
將軍坐碧油聽他猛士施籌策

送寧禪人禮祖

青山白骨非祖師脚下過去都不知覓得伽
陀要何用穿雲度水空奔馳阿魏無真水銀
無假本自現成徒勞知鮮長慶走出僧堂門
捲起簾來見天下

送性禪人

色不到耳聲何觸眼靈利衲僧切忌擔板便
與麼去猶欠一槌光前絕後流俗阿師晚
眉毛早蹉過撩起便行成滯貨孟嘗門下客
三千檢點將來無半箇

送清禪人之九江

近離浙右遠居江西我有一機覲面親提船
過鄱陽湖裏浪却來五老峰頭望靜耶動耶
試甄別心也境也俱凋喪和羅飯骨董羹隨
家豐儉暢子平生如何南北馳求者本有光

明却面牆

送吉禪人

道道道紅爐燄上一莖草禪禪河裏盡是
木頭船出世遇人不着苦口勸渠行腳衣內
自有明珠晝夜光輝烜赫會郎便會慎勿沉

吟牆壁瓦礫總是知音不見廣額屠兒業識

全無本據放下手中屠刀我是千佛一數

送直藏主

宗門下事如鐵壁使盡神通入不得拈起吹
毛一口劍西天此土滴滴天寧豈是超諸

抽六

十六

方凡聖同居常寂光各有生涯無欠少大千
捏聚一毫芒如來藏裏珠呈似山僧看拂袖
出門去迅雷同閃電泥塑金毛師子兒野干
之輩何能爲

送珠藏主回廣

廣南鎮海明珠當甚泥搓彈子拋向垃圾堆
頭直得價增十倍與麼驕君顛倒欲樂不樂
今足不足自家屋裏奇特事回天輪兮轉地
軸囉羅哩羅囉哩教外別傳有什麼一狐疑
了一狐疑

送方禪人回仰山

譬如室有六窓內外獮猴相喚忽然一箇睡
着兩箇同得相見仰山親到中邑來淨潔地
上飛塵埃大丈夫兒殺活手逢人拶着青天
雷多處添些子少處減些子不論是不是對

面三千里

送福禪人回閩

玄沙不出飛狹嶺
大地拈來作胡餅兩箇泥
人努眼睛從他一肯一不肯
秋到菊花黃蝦暮着錦襴叢林鬧
浩浩徧界絕遮藏甘草甜

四六

十九

黃連苦五五從前二十五鼻孔人人搭上唇
貓兒箇箇捉老鼠

送覩禪人禮五臺

五臺山裏文殊坐
斷清涼世界幾回劫火洞
然畢竟燒他不壞舉頭便見燭身光
南北東西古道場利劍分明截人我普天
市地何茫茫牛老子如相遇手進前輕把住
前三三與後三三歸到南方無問處

送道禪人

四七二三無授受一一面南看北斗
剝竿頭

刀

送密禪人

上仰蓮心風攬叢林師子吼真不掩僞曲不
藏直拄杖昂頭草鞋生翼百鍊精金無變色
善財行處無荆棘東平摸碎鴻山鏡臨濟未
是白拈賊

送慶禪人

要識無位真人尋常少喜多嗔遇夜熟眠一
覺起來沒處藏身喫粥了洗鉢去太分明休
莽齒大地撮來無寸土南泉不打監官鼓

送幸禪人

從上祖師鬼門貼卦後代兒孫千變萬化詞
釋迦慢彌勒金剛取泥處屋裏人知得好不
資一毫醜不資一毫虛空釘鐵橛平地輦波
濤心吃吃口嘵嘵殊不知我王庫內無如是

通身是眼不見自己罵之則嗔贊之則喜阿
呵呵好大哥知恩者少負恩者多江上青山
不改天邊白日如梭閑浩浩靜悄悄直須當
處解脫不被塵勞纏繞管甚諸方五味禪糞
箕葛帚從頭掃

僧切忌坐在這裏不慕諸聖不重已靈鮮粘
去縛拔楔抽釘翻身烏石嶺觸目望州亭到
家記取叮嚀問訊曾郎萬福輶動三箇木毬
嚇殺衆方瞎禿

送普禪人還閩

油六

二七

送全首座回仰山

須彌槌打虛空鼓萬象森羅齊起舞驚倒南
泉王老師疎山失却曹家女寬時徧法界窄
處不容針短绠四五尺古井千萬尋莫謂仰
山年代遠天官正說摩訶衍不知誰是白槌

人夢裏覺來空眨眼大道體寬無好無惡離

心意識參出聖凡路學鐵牛背上刮龜毛石
女腰邊裁兔角

送宗禪人回雪峰

天地與我同根萬物與我一體好箇脫洒衲

青山青白雲白欲識一貫兩箇五百福州名
品荔枝多是鶴崙吞却玄沙築破脚指頭直
得通身白汗流如今所謂善知識接物利生
沙壓油腳未跨門先勘破何須待踞燈王座
五湖四海覓知音一曲陽春少人和

送一禪人禮補陁

油六

二八

稽首補陁大士只這語音便是與麼接嚮承
虛如何出離生死鈍鳥逆風飛一日三千里
鐵樹夜開花朝來還結子西瞿耶尼睡覺東
弗于逮經行南贍部州打鼓北鬱單越揭竿

且道是何曲調聽時却又無聲

送俊禪人

魯祖見僧便面壁被人打破成狼藉壽山門
戶向南開件件現成殊省力要坐便坐要行
便行譬如平地掘甚溝坑衆生郎是諸佛諸

佛郎是衆生不出一念心徹頭又徹尾茫茫
布地普天往往離波求水

送可禪人

郎心是佛無心道不覺全身入荒草語拙今
人笑古人古人却笑今人巧後生晚長忌聰

明且要低頭學老成却憶南泉好言語要渠

癡鈍過平生初三十一中九下七四溟東海
流般若波羅蜜

送理禪人

如來無禪祖師無意枯木石頭泥團土塊老

臊胡既道不識賣柴漢又云不會鳥窠初不
離鳥窠打地一生長打地跳出漫天網子名
爲了事衲僧百尺竿頭進一步壽山手裏有

烏藤

送已禪人

過去諸佛已滅未來諸佛未生現在中間無
佛且放天寧話行天寧有甚麼長處業識茫
茫無本據昆明池裏失却劍却向西江撈得
鋸拈來又是鐵蒺藜自南自北隨風吹扶桑
天子呵呵笑尺二眉毛領下垂

送性禪人之江湘

袖六
秋雨垂垂秋風颯颯或彼或此乍離乍合湘
江那畔鴈初來漁唱穿雲笛韻哀更有蘆花
飛似雪遠山重疊錦屏開咄哉漆桶不快喚
作真如境界閻黎幸自可憐生莫向宗門立

知解

送匡禪人

三世諸佛不知有大地山河顛倒走狸奴
白牯却知有火中迸出紅蓮藕朝着東南暮
西北落落盤珠無影跡長連牀上飽喫飯坐卧
經行不費力說妙談玄也是癡本來無事出
家兒江西湖南與麼去不須更問毗盧師

送證禪人省親

父母未生以前追風木馬如煙無量劫來未
悟任他寒暑推遷萬年一念一念萬年神通

妙用大道虛玄頂上摩醯亞目途中道伴交
肩總是發明這箇事金烏長出海東邊

送淨禪人

繩牀走入枇杷樹須彌跨跳上天去不參庵
句參活句活句蹉過河沙數無所說師子吼

拈六

三三

有所說野干鳴坐斷兩頭築着鼻孔打開八
字刺破眼睛水牯牛兒甘水草從他岐路亂
縱橫

送化禪人

本色道人行履處千人萬人把不住湘南潭

北恣游行拄杖一尋生鐵鑄所至解針枯骨
吟秋風蕭索秋雲陰諸方殺有善知識要辨
龍蛇須訪尋君不見潦倒趙州年八十行行
尚爲叅方急又不見馬祖一喝大雄峯百丈
聞之三日聾

送中竺恭藏主回東浙

近從中竺來却徃四明去玲瓏巖接玉几峰
總是尋常行履處大梅郎心郎佛寶陁聞熏
聞修岳林一箇布袋天台五百比丘寒山子
往來華頂諾訶那坐斷龍湫一大藏教陳葛

藤自餘是甚椀脫丘火本無火承言者紛紛
自我鼇山店上喚師兄黃檗樹頭生蜜果

送天童證侍者再參

鳥窠吹布毛侍者便悟去天童親切句不要
重指注十月天漸寒早過西興渡相望一千
里往復行大路入室再參時噴拳須照顧

送應侍者禮補陁

眼聽聲耳觀色清冷雲中飛霹靂此是圓通
自在門衲僧幾箇知端的昔年未出扶桑時
親見寶陁之聖師再到海山深處覓須彌頂

上戴須彌

送瑛維那禮補陁

興化打克賓罰錢趁出院諸方舊話子反覆
參詳看有耳誰不聞有眼誰不見露柱掛燈
籠山門朝佛殿橫施拄杖去却繞鄞江轉築

着腳指頭通身流白汗寶陁巖上人日夜長
對面咄

送高麗蘭禪人禮補陁

道人且以何爲道切忌區區外邊討外邊討
得枉勞神只箇心珠常皎皎吳水碧越山青
白雲三片四片黃鳥一聲兩聲三世如來提
不起歷代祖師難下觜要見家家觀世音分
明因我得禮你

送俊禪人浙東參禮

學人自己遊山覩水雲門大師事不孤起此
去浙東尋訪誰肩橫七尺烏藤枝初登玉几
謁舍利更向寶陁參聖師一二三四五六七
七六五四三二一傑出叢林俊衲僧何須特
地從人覓

佛日普照慧辯楚石禪師語錄卷第十二

音釋

鉢 船 孔也
漁 又海旁也
噉 噉中也
唵 充大也
笑 笑之也
魄 魄切也

鑿 窪鑿彌
伯 舶斧也
船 切音
音 白也
刮 刮音
扶 卑鵠也
搖 滾削也
謂 謂標也
之 執標也
威 威標也
鉢 虛音
蘇 詐也
穢 抽黏也
穢 知切音
裂 切音

卷六

三五